

繁峙縣志卷四

列女志

田氏王瓘妻瓘早逝氏以貞節著孤仲實有孝行聯被旌表

韓氏王仲元妻瓘子婦也夫亡守節鄉黨稱焉

右元節婦二人並見皇慶元年王氏世德碑

擬入祠

侯氏東關糜巖妻年二十一生子麟甫四歲夫病劇屬曰親老失養不孝滋大願終吾志死亦瞑目氏泣誓曰有不踐斯言者天必殛守節五十餘年養姑育

幼百折不磨天順中旌

舊志

姚氏福連坊李敏妻年十八夫亡遺腹生子撫之成

立

李氏陳登與妻無出納妾賈氏夫亡賈方孕李相與

誓死未幾生男共撫之壺守甚嚴歷久不變以雙節

旌

孫氏下茹越侯鳳梧妻年十九夫亡守節撫孤成名

鄭氏王傑妻早孀艱苦備嘗撫孤成名

右明已旌節婦五人

並入祠

朱氏舊東關庠生張九成妻年十九夫亡家貧苦節

自守撫孤肯播成名年七十而卒巡按桂旌之

舊志

鄭氏舊東關張九職妻年二十一夫亡苦節撫孤子

篋遺腹子秀後俱入庠巡按桂旌之

范氏小李牛村樊元妻年二十夫亡矢志守節孝養

舅姑撫孤一魁入庠巡按陳旌之

張氏城內鄭文魁妻年十九夫死家貧甘心凍餒蓬

頭采薪針黹度日教子成立巡按黃以苦節旌之

吳氏城內張皇師妻年二十四夫亡遺孤甫六月茹

茶守志克底成立子爾貞亦以孝聞巡按蔡旌之

侯氏舊東關王曰是妻年二十五夫亡家貧矢志不

二撫孤謝嗣成立巡按蔡旌之

並見舊志

右明外旌節婦六人

並入祠

陳氏作頭村馬珽妻年二十夫亡子幼矢志不渝孝

養其姑克盡婦道

舊志

楊氏狼瀾村帥祿妻年二十而寡孝事舅姑撫子衛

國成名

張氏東留屬高山妻年二十夫歿無子舅姑欲奪之

以死自誓撫姪文豸爲嗣課讀成名

陳氏舊東關張素明繼妻也夫亡遺前室子二已生

子二撫育無異崇禎七年所居堡被兵將破氏激烈

慷慨聚族人謀之曰失堡而生不如固守而死乃易

男子衣冠親冒矢石禦之兵退一堡獲全子淑心後

成武進士

案事在崇禎時舊志作天啟七年非又今南關本舊城東關舊志時書東關時書南

關參錯不一並改正

右明末旌節婦四人

前三人並入祠陳氏擬增入

韓氏何廷悅妻年十七夫亡遺腹生子撫育成立至

孫肇興入文學

舊志

張氏何惠元妻年二十夫亡子甫七月矢志撫之事

舅姑維謹子相如諸生

孫氏古家莊陳鳳梧妻

殷氏侯宏妻青年守節子安民甫授室而卒其婦郭氏亦矢志不渝以雙節旌

侯氏南關張春元妻家貧苦節撫孤成名

宋烈婦李舉子妻舉子外傭婦虛局以待倦臥村人某窺知啟扉入強逼之氏驚覺喊拒其人奔逸舉子

歸以告忿泣終夜投繯死

郝烈婦張福永妻年二十而寡守節三年矣一日偶歸母家值母攜弟外出止幼妹在室婦如廁鄰某瞰知闖入婦喊罵其人逸去午後母歸婦以情告哭不止是夜自經

劉氏趙忠獻妻年二十守節家貧操作甚苦事舅姑生養死葬無遺憾

白氏宋峪監生孟延生側室也延生卒矢志撫孤事姑有孝稱子兆儒亦入國學繼父業

郭氏孟兆鳳妻年二十三夫亡矢節事舅姑曲盡孝道繼姪執信爲嗣教之成立身列膠庠

郭氏生員梁清泉妻年二十二夫故甘守清貧奉養舅姑遺孤晬生甫六月教養備至後入太學

任烈婦張宜妻驟爲無賴子所迫汙以穢語大忿投井死

趙氏高佩妻年二十三守節孝事舅姑持家有法子士泰諸生孫如皋如岡並登武科

並見舊志

右嘉慶以前已旌節婦十人烈婦三人

並入祠

劉氏諸生韓舜臣妻年二十五夫亡敬事舅姑撫子
林森入庠縣令胡匾旌之

魏氏劉恕妻年十九夫亡無子家貧勤女紅以養舅
姑族人憐之爲之立嗣苦節終身學使喀旌之

張氏許瑄妻年十七夫亡矢志撫孤終始不替縣令
孫匾旌之

張氏福連坊庠生韓士燦妻年二十夫亡無子撫姪
鍾秦爲嗣後入庠學使旌其門

張烈婦大溝村生員韓月明妻夫亡家赤貧藉草而

臥自矢靡他聞舅姑欲奪其志遂自盡縣令李表爲
完節祭其墓

董氏南關廩生王增善妻年二十三夫亡事舅姑撫
幼子孝慈兼盡縣令周旌其門

白氏南關張沛霖妻年二十五夫亡子幼家徒壁立
母家與翁議令改適氏矢志靡他女紅度日鬻簪質
衣資二子課讀長克鐸次克明並入庠縣令周旌其
門

魏氏庠生楊預瑞妻年二十一夫亡子甫周晬族人

利其產迫之攜子改適氏持刀哭於夫柩前截髮剜面力救乃止自是無敢復以爲言者縣令李匾旌之
李氏楊御國妻年二十三夫亡事孀姑撫幼子始終不易其操學使吳旌之

郭氏張文玉妻年十八夫亡遺腹生子鞠育成立垂死曰吾今可以見地下人矣縣令劉旌之

張氏澤萌泉梁士偉妻年十九夫亡氏方孕每夕焚香祝曰願天賜男以延夫祀果生子清選撫以入庠年八十一而終學使呂旌其門

劉氏南關張秉全妻守節四十年卒學使呂旌其門
李氏福連坊郭堯賓妻年二十守節遺腹生子繼昌
旣入庠而天又撫其孤璽亦爲諸生氏年八十二卒
縣令麻戴均匾旌之

韓氏張瑁妻年二十夫亡守節撫幼子成名學使陳
匾旌之

郎氏張法先妻年二十四夫亡孝事翁姑撫子成立
學使周旌其門

韓氏孫琤璋妻年廿二而孀食貧守志學使周旌之

糜氏生貞撫子遺妻年二十

四守節撫子國弼人食廩餼學使賀匾旌之

張氏韓爾霖妻年二十五遭夫喪子待聘生甫六日撫以入庠學使賀旌其門

姚氏張世偉妻年二十二守節撫子陶武成立學使國匾旌之

李氏崔涵妻夫亡家貧二子俱幼猶子某亦失怙恃零丁孤苦氏茹荼撫之其後長子抱桂爲文學次子與姪亦自成立學使國匾旌之

曹氏高允中妻年二十三守節孝事舅姑訓子成名

學使黃匾旌之

王氏高尙功妻年二十守節子未周晬後以諸生貢太學學使黃匾旌之

劉氏鄧發妻年二十二守節厯六十五年卒縣令楊旌其門

武氏孫清妻年二十二夫亡遺腹生子希康撫之遊庠學使李匾旌之

張氏杜恒建妻年二十四守節孝事舅姑撫三歲孤成立學使汪匾旌之

黃氏張鎮妻青年守節學使汪匾旌之

姚氏糜琳妻夫亡守節舅姑皆廢疾侍養不倦撫三
歲子成立學使汪旌之

樊氏賀嗣昌妻夫亡守節其子達早天媳王氏亦矢志不二縣令孫及學官並匾旌其門

李氏廩生劉庶之妻青年守節庶之弟富之亦諸生早卒其妻李氏並以節著儒學劉鄭以雙節匾其廬
韓氏劉鳳鳴妻夫亡守節學使黃旌之

喬氏康維垣妻守節四十七年卒學使黃旌之

韓氏支發偉妻夫亡守節事翁姑甚有孝稱訓子入庠儒學趙匾旌之

徐氏王萬壽妻年二十二守節孝翁姑撫孤幼儒學劉嘗匾旌之

郝氏何令德妻年二十五守節事姑訓子備盡孝慈學使匾旌其門

高氏霍振業妻年二十二夫亡撫孤成立儒學祁匾旌之

李氏賀承業妻于歸時舅姑已卒時以不及服事爲

憾後遭夫喪獨持門戶樂善好施鄉里欽之儒學李

嘗匾旌之

以上並舊志外旌者

王烈婦聖水村韓繼盛妻夫以溺死婦朝夕痛哭乘間經於柩側

楊氏下匯村魏澹初妻年十九夫亡子朝棟方二歲苦節鞠育訓以入庠

梁氏庠生韓嗣鼎妻夫卒無子撫姪大觀如己出後爲文學

李氏佚其夫名蓋他鄉寄居南關者夫亡貧苦無依